

Jus Canonium

Camelua Antonius:

*Dissertatio de iudiciis ecclesiasticis pri-
vatis, ex libro III Institutionum
Juris canonici.*

2312 Provo.

IN NOMINE DOMINI, AMEN.

DISSERTATIO

DE JUDICIIS ECCLESIASTICIS PRIVATIS.

Ex Libro III. Institutionum Juris Canonici;

circa Actum Promotionis

ad Doctoratum in Utroq; Jure,

Perillustri & Reverendissimi Domini

D. J O A N N I S

DE ZMIGROD IN ZABNO

S T A D N I C K I,

Canonici Cathedralis Cracoviensis &c. &c.

Viri de Ecclesia Dei & Republica Polona Meritissimi,

publicè ad disputandum

In Collegio Juridico Universitatis,

PROPOSITA.

Anno Domini 1764. Die XVI. Mensis Julii.

C R A C O V I Æ.

Typis Seminaril Episcopalis Academico Diocesani.

AD PERPETUAM REI MEMORIAM,
videlicet in argumentum propensissimæ veneratio-
nis, præsens Dissertatio Magno Tuo Nomini dicatur.
Perillultris Reverendissime Domine Neo-Doctor.
Tanta enim Generis dignitate, Meritorum amplitudi-
ne, Virtutum & qualitatum præcellentia emines, ut
omnibus Ecclesiæ & Regni, quibus præesse consueveras
Tribunalibus & Subseliis, venerandam Auctoritatem
ex Te superaddas. Dignitatem Tui Pervetusti Ge-
neris novit peroptime Europæus Orbis, amplitudi-
nem Meritorum videt publicè uterq; Regni Status,
virtutum & qualitatum Tuarum præstantiam singuli Con-
cives cum plausu venerantur. Veneratur quoq; Cra-
cia Studii Generalis Universitas, ejusq; Facultas Ju-
ridica, magna Tua in Ecclesiam & Rempublicam Po-
lonam Merita, quæ dum interim Doctorali Utriusq;
Juris Laureâ hodie coronat, Præsuleas Tibi Tia-
ras propensissimis cordibus apprecatur. Porro: Supre-
mus bonorum Remunerator, in Cujus sacras Aedes
Oporyszoviensem & Zabnensem liberales impen-
disti curas, Te Tuamq; Progeniem Carissimam desti-
deratissimè perabunde muneret successibus, & sospi-
tes ac longævos in decus Ecclesiæ, in solatium Patriæ
conservet. Ita ex animo vovet:

Illustissimo Nomini Tuo

obligatissima,
Facultas Juridica.



11. 218 II

DISSERTATIO JURIDICA.

Judicium est legitima controversiæ inter Actorem & Reum orta per Judicem discussio ac definitio. (1) Quod judicium ratione finis, est *Privatum* seu *Civile*, in quo primariò agitur ad interesse alterius litigantis; & *Publicum* seu *Criminale*, in quo primariò agitur de bono totius Communitatis. Ratione causæ efficientis seu Judicis, est *Ecclesiasticum*, in quo præsidet Judex Ecclesiasticus, (2) *Sæculare*, in quo Sæcularis; & *Compositum*, ut in Judiciis Tribunalis Regni ex Privilegio CLEMENTIS VIII. (3) Item est *Ordinarium*, ubi Judex exercet jurisdictionem sibi ex Officio suo competentem, (4) & *Delegatum*, ubi speciali vel generali mandatò sibi commissam. (5) Ratione materiæ seu causæ controversæ est *Petitorium*, in quo proprietas rei; & *Possessorium*, in quo rei possessio petitur: utriusq; autem tollunt divisiones, quot Actionum ac respectivè Interdictorum genera recensentur. (6) Deniq; ratione formæ est *Ordinarium*,

1) c. Forus. 10. de Verb. Signif. 2) c. 2. & 3. de Judic. 3) Bulla que incipit: Secutitati. 4) l. More Majorum. ff. de Jurisdic. 5) c. 7. de Offic. Ordin. in 6. l. 5. & 16. ff. De Jurisdic. omn. Judic. 6) Inst. Civ. Lib. 4. tit. 6. & seqq.

rium seu *Plenarium* sive *Solenne*, in quo solennitates omnes à jure præscriptæ minutim observantur; & *Extraordinarium* seu *summum*, in quo soli actus jure naturæ requisiti, & ad summum aliqui jure positivo præscripti occurrunt: seu in quo sine solenni judicii forma, sola facti veritate inspecta proceditur. (1)

II.

OMne Judicium Ecclesiasticum (non secus ac Sæculare) ex tribus personis constituitur, nempe: Judice competente, Actore qui in judicio stare possit, & Reo qui pariter à limine judicii non repellatur. (2) Porro Judex competens non est, nisi Persona Ecclesiastica, si vel 1^{mo}. res controversa sit spiritualis, aut spirituali annexa, (3) vel 2^{do}. Reus, qui in judicio convenitur, sit persona Ecclesiastica. (4) Præcipua enim Immunitatis Ecclesiasticæ pars est, quod Judicia Ecclesiastica celebrari non possint, nisi coram Judice, qui sit Persona Ecclesiastica, Judicelq; sæculares sint Jurisdictionis Ecclesiasticæ prorsus incapaces, ut fuisse probant Canonistæ, (5) Et quidem ad hoc, ut causa aliqua *privativè* dirimenda sit à Judice Ecclesiastico, sufficit, ut vel ipsa *causa* sit spiritualis *vg.* simoniæ, vel persona Rei circa rem etiam profanam conventi, sit persona Ecclesiastica; quales sunt Clerici omnes etiam primâ tantum tonsurâ insigniti, dummodo habitum & tonsuram deferant. (6) Item Regulares omnes utriusq; sexus etiam novitii, imo & Tertiarii conventualiter viventes. (7)

III.

Judicium Ecclesiasticum *Ordinarium* celebrari validè non potest, nisi 1^{mo}. in territorio ipsius Judicis Ordinarii, (8)

2^{do}.

1) Clem. 2. de Verb. Sign. 2) c. Forus. 10. §. In omni. de Verb. Sign. 3) c. 2. & seqq. de Judiciis. 4) Can. Sacerdotibus. & seqq. 11. q. 1. Conc. Trid. Sess. 25. cap. 20. de Reform. 5) cc. DD. ad tit. de for. compet. 6) Trid. Sess. 23. Cap. 6. de Reform. 7) Can. De persona. 11. q. 1. 8) c. fin. de Constit.

2do. contra Reum jurisdictioni Ordinariæ, vel ratione domicilii, vel rei sitæ, vel Contractûs, vel delicti subditum;

1) 3tio. pro casu jurisdictionis in non subditum prorogata. (2) Et quamvis semper prorogari possit jurisdictione Ecclesiastica ad causam vel personam Sæcularem, nunquam tamen sæcularis ad Ecclesiasticam, prout expressè decernit c. 2. de Judiciis. & c. 18. de Foro compet. Delegatum autem iudicium non celebratur validè, nisi imò. constet de valore delegationis. 2do. Delegatus intra fines Rescripti se contineat. 3tio causam absolvat prius, quàm delegatio expiret. (3) Deinde Iudicium Solemne nonnisi in causis gravioribus & celerem expeditionem vel non exigentibus, vel non admittentibus locum habet, exigitq; actus pleròq; omnes è Jure Civili in Jus Canonicum adscitos; Summarium verò in Causis vel levibus vel celeriter expediendis adhibetur, exigitq; ea tantum, quæ jure naturæ sufficiunt, ut sunt: Actoris petitio, Rei citatio, illius probatio, hujus defensio, & sententiæ prolatio. (4)

IV.

Quoniam utroq; Jure cuiq; permissum est, causam per Procuratorem agere vel defendere, (5) Ideo Procurator aliena nempe negotia Mandatò Domini administrans, (6) vel est judicialis, vel extrajudicialis, vel generalis, vel specialis, vel principalis vel substitutus. (7) Qui ad lites, habilis & jure non prohibitus, (8) constitui potest etiam per tacitum consensum (9) Domini pariter non prohibiti, (10) revocariq; potest solo dissensu Domini significato, sed

A2

1) c. fin. de For. compet. 2) c. 18. eod. tit. 3) c. 11. 42. & fin. De Offic. Jud. Deleg. 4) Clem. 2. de Verb. Signif. 5) c. 7. de Procurat. pr. Inst. de lites per quos agere possum. & l. 5. ff. de Oblig. & Action. 6) l. 1. ff. de Procurat. 7) cc. DD. 8) c. fin. de Procurat. in 6. l. 7. & 9. C. eod. tit. 9) Pirrh. & Perez. ad tit. de Procurat. 10) c. 2. de Sent. excomm. in 6. & l. 43. §. 1. ff. de Procurat.

sed post lris contestationem, ex iustis duntaxat causis. (1)
 In causis criminalibus, in quibus agitur ad pœnam corporis afflictivam, Procurator regulariter non admittitur, In his enim tam Reus quàm Accusator de jure scripto debent personaliter comparere. (2) *Ratio* in Reo est, ne iudicium maneat sine executione, si Reus fortè aufugeret: in Accusatore, quia tenebatur ad pœnam talionis; quæ pœna cùm hodie cesset, potest quoq; accusatio per Procuratorem proponi. (3)

V.

Interdum accidit, ut iudiciorum metu, litigaturi ad pacta & transactiones veniant, aut ad Arbitros declinent, (4) unde pactum est duorum in idem placitum consensus de re solvenda, idest facienda vel præstanda; (5) quod pactum legitimè celebratum, (6) & præsertim iuramentò firmatum, omnino per Jus Canonicum servari debet, dummodo non tendat in periculum animæ, nec à Jure Canonico expressè reprobetur. (7) Transactio autem est de re dubia & lite incerta pactio non gratuita, (8) utrinq; nimirum onus aliquod afferens: aliquo dato, vel promisso: retento, vel remisso. (9) Quæ transactio rite facta *vg.* super re temporali, (10) habet vim rei judicatæ, perimitq; probationes quaslibet, contra illam postea producendas. (11) Deinde: Arbitri seu Compromissarii ex conventionem & consensu Partium assumuntur ad cognoscendum & definiendum negotium, à jure non exceptum; (12) quorum laudo seu arbitramento, sive iustum, sive iniustum sit, etiam appellatione

1) c. 2. de Procurat. in 6. 2) c. Veniens. 15. de Accusat. l. pen. ult. §. 1. ff. De publ. Judic. 3) Schmitz ad tit. de Procur. q. 2. 4) Lancel. §. 1. Inst. de Pact. & Trans. 5) l. 1. §. 2. ff. de Pact. 6) c. fin. de Pact. 7) c. 28. de Furejur. c. 5. §. 6. & 7. de Pact. 8) c. 7. de Transact. & l. 1. ff. eod. 9) DD. ad tit. de Transact. 10) c. 2. & seqq. eod. tit. 11) c. 1. eod. tit. 12) arg. c. fin. de Transact.

tione remota, stare oportet, (1) nisi contra formam juris aut Compromissi pronuntiatum fuerit, (2) vel nisi Pars laudo stare nolens, pœnam adjectam solverit, tunc enim liberatur à Compromisso. (3) Promulgatum arbitrium & à Partibus homologatum seu expressè vel tacitè approbatum, non Arbitr, qui jurisdictionem non habet, sed Judex Ordinarius executioni demandat. (4)

VI.

SI Partes nec pactis, nec transactionibus, neq; etiam arbitrâs reconciliari possint, subsequitur in jus vocatio seu citatio, utpote omnium judiciorum principium & fundamentum, (5) ita, ut si omittatur, Processus sit ipso jure nullus. (6) Citatio autem est actus legitimus, quo quis mandatô Judicis, juris experiundi causâ, in judicium vocatur. (7) Dicitur: *mandatô Judicis*, quia ex dispositione juris, nemo potest absq; mandato Judicis citari, (8) quamvis de consuetudine mandatum Judicis non requiratur. (9) Quæ citatio regulariter simplex, eaq; trina esse debet; peremptoria unica in casibus extraordinariis locum habet: edictalis tunc adhibetur, dum Reus per malitiam latet. (10) Tertia *simplex* vel una *peremptoria*, legitimè executâ, perpetuat jurisdictionem tam Ordinariam quàm delegatam, (11) inducit litis pendentiam, ut nimirum lite pendente nihil innovari possit, (12) interrumpit præscriptionem longissimi temporis, (13) & Citatû, si absq; legali impedimento *vg.* captivitate, infirmitate, inundatione, pestilentia, hostilitate &c. (14)

non

1) *Can. A. judicibus. 33. q. 6.* 2) *c. 7. de Confirm. util. vel inutil.* 3) *l. 1. §. Arbitr. Jus novum. C. de Arbitr.* 4) *l. 31. §. 32. ff. de Arbitr. §. cc. DD.* 5) *Lancel. §. 2. Inst. de In jus vocando.* 6) *Clem. Pastoralis. de sent. & re judic. Lipsic. Cent. 1. Obs. 2.* 7) *l. 1. ff. De in jus vocando.* 8) *Gaill. Lib. 5. Obs. 38.* 9) *Marant. par. 6. de Citat.* 10) *Clem. 1. de Judic. l. 68. §. seqq. ff. eod. l. 13. §. 2. C. eod. tit.* 11) *c. 20. de Offic. Deleg.* 12) *Clem. 2. Ut lite pendent. §. c.* 13) *gl. in l. sicut. v. Executores. & in l. Cum notissimi v. solam conventionem. C. De præscr. trig. vel. quadr. Annor.* 14) *Clem. 2. de Sent. & re judic.*

non compareat reddit contumacem. (1) Reus per interlocutoriam contumax declaratus, condemnatur in refundendis Actoris expensis, (2) punitur panâ arbitrariâ *vg.* excommunicationis, bannitionis, (3) bonorum illius possessio adjudicatur Actori, (4) deniq; contumax in non respondendo, habetur pro affirmante vel negante, prout illi magis est præjudiciosum. (5) Si vero actor sine justo impedimento non compareat in termino, terminus ille pro circumducto habetur, Reus liber pronuntiatur & Actor in expensis condemnatur. (6)

VII.

Reo in assignato tempore comparente, Actor offert Judici libellum, (7) qui est scriptura brevis & ordinata claram Actoris intentionem continens, & contra adversarium necessariò concludens. (8) Dividitur in Civilem & Criminalem, Conventionalem & Reconventionalem: simplicem & Articulatum. (9) *Simplex* seu *summarius* idem est, quod propositio in Citatione literali contenta, aut viva voce in Judicio exposita. *Articulatus* verò est, in quo meritum causæ fusè per articulos proponitur, (10) Ejus Libelli oblatio est de substantia Judicii plenarii, (11) qui emendari in accidentalibus potest usq; ad Sententiam definitivam, mutari verò nempe quoad substantiam petitionis corrigi, probabiliùs non potest. (12) Si Reo cum citatione simul non fuerit communicatus libellus, ut sufficienter instrui potuerit super eo, de quo in judicio convenitur, dandæ sunt ei induciæ ad respondendum, (13) aliàs

Re-

1) c. 2. de Dol. & Contum. 2) c. fin. Ut lite non contest. 3) c. 3. eod. tit. 4) c. 1. & seqq. De eo qui mittitur &c. 5) Abb. ad tit. de dol. & contum. 6) cc. DD. 7) Lancel. pr. Inst. de Libell. concept. 8) c. 1. de Libell. oblat. 9) cc. DD. 10) Janidkov: in suo Processu Cap. 16. 11) d. c. 1. de Libell. oblat. 12) Auth: Qui semel. C. Quomodo & quando Judex. 13) c. Præterea. de Dilation.

Reus habet viginti dies, intra quos deliberet, an iudicio contendere, an verò cedere, aut amicabiliter componere velit. (1) Dixi: *Reus*, quia *Actor*, cum paratus ad iudicium venire debeat, non habet dilationem deliberatoriam. (2)

VIII.

Adveniente termino ad respondendum Libello, Citatus antequam litem contestetur, habet campum excipiendi, (3) unde exceptio est actionis seu intentionis Actoris exclusio. (4) Estque triplex Dilatoria Peremptoria & Anomala. (5) *Dilatoria* seu *temporalis* est, quæ negotium & iudicium differt, non tamen tollit; ut Citationis ad tempus feriarum, vel ad locum non tutum, Judicis incompetentis vel suspecti, illegitimitatis Actoris, insufficientis Mandati procuræ, libelli inepti, litis pendentis seu præventionis, præfestinationis seu plus petitionis, excussionis seu ordinis, subreptionis vel obreptionis, moratoria solutionis ex Rescripto Principis &c. (6) *item* de praxi Regni Poloniæ: minorrennitatis, infirmitatis veræ, legationis aut functionis publicæ, pro majori & ad munimenta; (7) quæ regulariter opponi debet ante litis contestationem. (8) *Peremptoria* seu *perpetua* est, quæ negotium principale perimit, semperque obstat agenti, ut exceptio rei iudicatæ, doli mali, metus gravis, erroris evidentis, pacti de non petendo, transactionis, quietantiæ, jurisjurandi, præscriptionis, Senatûs Consulti Macedoniani, SCti Vellejani &c. quæ circa vel mox post litis contestationem opponi, & in continenti (sicut & dilatoria) per excipientem probari debet, aliàs non sistit iudicium. (9) *Item* peremptoriarum exceptionum aliæ sunt

præ-

1) Nov. 53. Cap. 3. 2) cc. DD. 3) Janidk: in suo Processu Cap. 21.
4) Lancelot. §. 1. Inst. de Except. 5) Lancelot. loc. cit. & cc. DD. 6) cc. Processuæ.
7) Zawadzki in suo Process. tit. de Except. & Constit. Regni.
8) Clem. un. de Except. l. penult. & fin: C. rod: tit: 9) l. 3. ff. de Except: l. 19. ff. de Probat: l. 8. C. de Except. & cc. DD.

præjudiciales nuncupata, quod principali quæstioni præjudi-
cium afferant, - ut illæ: *consanguinitatis*, in petitione Matri-
monii; *Natalium*, in petitione hæreditatis; *spolii* in petiti-
one rei cuiuslibet; aliæ *testimoniales* vocatæ; quæ testibus
objiciuntur. (1) Deniq; *Anomala* seu Irregularis est, quæ non
sequitur normam aliarum exceptionum in opponendo, & po-
test etiam post sententiam opponi, ut exceptio excommu-
nicationis Actoris, falsi Procuratoris, pecuniæ non nume-
ratæ, indebiti soluti, dotis non acceptæ, Matrimonii non
initi &c. (2) Cæterum exceptioni est contraria replicatio,
nam quemadmodum exceptio actionem, ita replicatio ex-
ceptionem enervat. (3) *Replicatio* autem est nova, allegatio
Actoris ad excludendam Rei exceptionem. (4) Si Reus hanc
Actoris allegationem nova exceptione excludere nitatur,
duplicatio dicitur; huic ex parte Actoris denuo oppo-
ni potest *triplicatio*; & demum ex parte Rei *quadruplica-
tio*. (5) Ultra quadruplicationem in plerisq; Tribunalibus
Partes non audiuntur, sed in causa concludere debent. (6)

IX.

Legitimis exceptionibus destitutus, aut in earum proba-
tione deficiens Citatus, per Interlocutoriam Judicis,
cogitur directè respondere & litem contestari, unde Li-
tis contestatio (à qua proprie incipit iudicium) (7) est
ad petitionem Actoris in iudicio factam congrua responsio
Rei, secuta animò litigandi. (8) Quæ licet in iudicio ple-
nario requiratur aded, ut sine illa nullus omnino sit Proces-
sus, (9) attamen p. test. omitti, imò. in causa petitiæ decla-
rationis incidisse in Canonem: *Si quis svadente*. (10) 2dò. in
causa executionis Decretorum aut Instrumentorum. 3tio.
in Cau-

1) Lancelot: §. 17. & 18. Inst. de Except. 2) Gregor: Szamotul: in Pro-
cess. de Except. Canisius eod. tit. & alii passim. 3) cc. DD. 4) pr. Inst.
Civil: de Replicat: 5) §. 1. & 2. loc. cit. 6) Engel: ad tit: de Except.
7) Specul: par: 2. n. 2. 8) c. un: de Litis contest: 9) c. 1. 2. 3. 4. & 9. Ut
lite non contest: 10) Rot: decisi: 3. de lit: contest: in nov.

in causa Appellationis. (1) 4to. in causis summarium processum exigentibus, (2) ac in aliis casibus per Canonistas allegatis. (3)

X.

Lite legitimè contestata, quandoq; Partes ad juramentum calumniæ deveniunt, proinde calumniari in criminalibus, idem est, quod falsum crimen alteri intentare, at in civilibus idem est, quod vexare alterum in judicio per varias fraudes & frustrationes. (4) Ad avertendas hujusmodi fraudes, introductum est utroq; Jure juramentum calumniæ, (subintellige vitandæ) quod est de substantia cujuslibet judicii, si ab altera Parte exigatur; (5) neq; expressè Pars una alteri illud remittere potest, potest tamen tacitè. (6) Et hoc juramentum præstare debent non solum Partes litigantes, sed etiam earum Procuratores, Syndici, Tutores; & non tantum Laici, sed & Clerici ac Religiosi, (7) idq; in omnibus causis etiam spiritualibus. (8)

XI.

Facta litis contestatione, præviò si exigitur juramentò calumniæ, Reo negativè ad Libellum respondente, subsequitur probatio, quæ est rei dubiæ & controversæ per legitimos modos Judici facta ostensio. (9) Alia est *Plena*, quæ tantam Judici facit fidem, quanta sufficit ad definiendam controversiam sine alio requisito: cujus sex numerantur species: Confessio Partis, Notorietas seu evidentia facti, Testium depositio, Instrumentorum productio, Juramenti præstatio & legitima præsumptio. (10) Alia est *Semiplena*, quæ aliquam quidem fidem facit sed insufficientem ad de-

B

cisio-

1) cc. DD. 2) Clem. 2. de V. S. 3) Canonista ad tit. de Lit. contest. Ut lite non contest. 4) l. 213. ff. de V. S. & DD. ad tit. de Juram. Calumn. 5) c. 1. & 2. de Juram. Calumn. in 6. 6) d. c. 1. ibi: cit. 7) c. 5. & fin. de Juram. Calumn. 8) c. 1. & 2. de Juram. calumn. in 6. 9) cc. DD. 10) Mart. de Preb. & cc. DD.

cisionem causæ, cujus sex pariter recensentur species: Testis unus probata fidei, fama publica, pictura vel sculptura, scriptura privata, literarum comparatio & corporis inspectio. (1) Quæ probatio debet regulariter fieri per Actorem, idq; in omnibus causis, (2) & juxta formam juris, (3) ac deniq; ad sententiam ferendam requiritur plena, saltem in causis gravioribus, & præjudicium aliquod condemnato afferentibus. (4) Si verò semiplena duntaxat sit probatio, debet compleri per juramentum suppletorium. (5)

XII.

Testes simpliciter vel secundum quid (relatè ad certam causam, pro certa persona, aut contra certam personam) idonei, (6) non tantum admitti, sed cogi etiam possunt à Judice ad testimonium ferendum, (7) ita tamen imò. ut à Parte, pro qua testificari debent producantur. (8) add. ut præsentem Parte altera à Judice recipiantur. (9) 3tio. ut præsentem eadem Parte super veritate dicenda jurent. (10) 4to. ut deinde singuli, seorsim, à Judice vel ejus delegato per legitima interrogatoria, (non tamen suggestiva) super singulis Articulis à producente assignatis examinentur, eorumq; depositiones diligenter connotentur, ac iisdem prædictis depositionibus, cum obligatione servandi secreti dimittantur. (11) 5to. ut eorum depositiones seu Rotulus examinis coram citatis Partibus publicentur, ac attestationum copia Partibus communicetur. (12) 6to. deniq; ut plena probatio non habeatur, nisi duo saltem testes in eodem conveniant. (13)

XIII.

Quilibet rei suæ moderator potest juramentum litis decisorium

- 1) c. DD. 2) c. Quoniam de Probat. § l. Actor. C. cod. tit. 3) c. 8. § 11. de Probat. 4) arg. c. 13. de Probat. 5) c. 2. de Probat. 6) Petz. Farinac. Menoch. Mascard. Janidkov. § alii de testib. per text. juris allegat. 7) c. 2. § 4. de Testib. cogend. vel. non. 8) c. 2. de Testib. § attestatio. 9) d. c. 2. de Testib. 10) c. 17. 29. 39. § 51. d. tit. de Testib. 11) c. DD. § praxis. 12) c. 2. de Testib. 13) c. 23. § 37. d. tit. de Testib.

rium *voluntarium* alteri Parti deferre, (1) quod pro Partium placito vel reculari, vel acceptari, vel referri potest: ast iuramentum iudiciale deferre non potest Actor, nisi semiplenè probaverit; (2) debetq; vel acceptari vel referri. (3) Iuramentum *necessarium* seu *suppletorium* à Judice ex officio, præviam cognitione, deferendum est illi Parti, quæ semiplenè probavit (4) ita, ut Pars illud reculans, causâ cadat; præstans verò, probationes suas compleat: salvo alteri Parti jure appellandi, vel petendi retractationem sententiæ ob instrumenta noviter reperta. (5) De reliquis plenæ probationis speciebus, sicut & de omnibus semiplenis, quæ sit juris dispositio? videantur Canonistæ & Civilistæ. (6)

XIV.

EX probationibus devenitur ad sententias, & ex sententiis ad rem judicatam, ideo sententia est propositæ controversiæ à Judice ritè facta definitio. (7) Estq; duplex *Interlocutoria*, quæ fertur super aliquo Articulo inter causæ principium & finem emergente *vg.* super dilationibus dandis. *Et definitiva*, quæ super negotio principali pronuntiatur; hæc postea ex effectu est, vel *absolutoria* vel *condemnatoria*, vel *criminis declaratoria*. (8) Quam sententiam, ut valida sit, ferre debet Judex competens, (9) à judicando non prohibitus, *vg.* non excommunicatus; (10) judicans servato Processu (11) & conformiter juri *Constitutionis*, præsertim si sit subalternus, (12) deniq; observans solennitates sententiæ ferendæ tam *internas*, *vg.* ut sit conformis libello, (13) quàm *externas*, *vg.* ut feratur utraq; Parte citata, (14) die juridica, non ferata &c. (15) *Res autem judicata* dicitur, dum

B2

Pars

1) l. 17. § 26. ff. De jurejur. 2) c. fin. De jurejur. 3) cit. c. fin. De jurejur. 4) d. c. fin. De jurejur. 5) l. 31. ff. De jurejur. 6) Canonistæ & Civilistæ ad tit. de Probat. 7) Lancel. §. 1. Inst. de Sent. & re judic. 8) Lancel. loc. cit. 9) c. 4. de Judic. 10) c. 24. cod. tit. 11) c. 24. de sentent. 12) c. 1. cod. & l. 1. §. 2. ff. Quæ sententiæ sine appell. &c. 13) Clem. 2. de Verb. signif. 14) Clem. 2. de sent. & re judic. 15) c. 1. de Ferris.

Pars iudiciō victa sententiæ latæ acquiescit, vel *expressè*, v.g. petendo terminum solutionis; vel *tacitè*, non appellando intra decendum. (1) Aliàs secundum *Joannem Andream* sententia propriè & strictè vocatur, cūm iadest appellandi facultas; cūm verò non subest remedium retractativum, vocatur res iudicata. Excipe certos casus, in quibus sententia lata nullatenus transit in rem iudicatam. (2)

XV.

Sententia condemnatoria, quæ transit in rem iudicatam, secundum tenorem, regulariter à Iudice qui eam tulit, intra legitimum terminum, executioni mandanda est. (3) Cujus executionis tempus, in actionibus personalibus est quadrimestre, pro arbitrio Iudicis abbreviandum vel prorogandum; (4) in actionibus realibus statim post lapsum decendum. (5) Executio autem in personalibus debet fieri primò in mobilibus, deinde in immobilibus, postremò in nominibus hoc est in liquidis Reo competentibus debitis. (6) Deinde Iudex Ecclesiasticus facit executionē rei iudicatæ, per Censuras, per sequestrationem Beneficii, per privationem &c. si tamen Clericus non habeat, unde satisfaciat suis Creditoribus, non debet excommunicari aut aliter molestari ob debitū, sed solūm præstabit idoneam cautionem de solvendo, cūm ad pinguiorem fortunā pervenerit. Hoc speciale privilegium refertur in *c. Odoardus. 3. de Solutionibus.*

XVI.

Si quis per sententiam aliquam, gravandum se aut gravatum videat, habet ordinarium remedium Appellationis, (7) nisi specialiter prohibeatur appellare, prout sunt in jure casus. (8) Quæ appellatio est ab inferiore Iudice ad

1) *c. 15. de sent. & re judic.* 2) *Konig. de sent. & re judic. n. 53. Pirrh. eod. tit. n. 53. & 56. & cc. Canonistæ.* 3) *cc. DD. ad d. tit.* 4) *c. 15. de sent. & re judic.* 5) *cc. DD.* 6) *l. A divo Pio. §. In venditione. ff. de Re judic.* 7) *Can. Omnis oppressus. 2. q. 6. & c. super eo. 12. de Appell.* 8) *c. Consuluit. 29. c. Quia nos 32. c. Nevir. 43. de Appel. & c. Cām appellationibus. 5. eod. in 6.*

ad Superiorem ratione gravaminis illati vel inferendi provocatio. (1) Dividitur in *judicialem*, quæ fit ab actibus seu à sententia vel interlocutoria, vel definitiva, (2) & *extrajudicialem*, qua quis ad Superiorem recurrit ob gravamen in actu aliquo extrajudiciali, *vg.* à delatione tutelæ, præsentatione ad Beneficium, electione ad Prælaturam &c. (3) In judiciali Appellatione maximè consideranda sunt tria: *fatalia*, *Apostoli* & *Attentata*. *Fatalia* interponendæ appellationis sunt decem dies à sententia lata, (4) petendorum apostolorum seu Processus coram Judice à Quo formati, sunt triginta dies ab obtenta noticia sententiæ latæ, (5) proseguendæ appellationis est unus Annus, vel ex justa ratione biennium. (6) Quoad attentata, si durante secunda Instantia, Judex à quo in præjudicium Appellantis & Appellationis aliquid gerit, id totum revocatur per Judicem ad quem; (7) si vero Pars ipsa Appellans aliquid interim appellationi contrarium attenter, privatur favore appellationis, & prior sententia, eo ipso transit in rem judicatam. (8)

XVII.

PRÆter remedium appellationis ordinarium, indulgit jus quibusdam personis. ut Minoribus, (9) Ecclesiis (10) Reipublicæ & Communitati cuilibet &c. (11) aliud remedium extraordinarium restitutionis in integrum, quo quis notabiliter (per sententiam Judicis, vel per proprium actum *vg.* per contractum) læsus, reducitur in eum statum, in quo fuit ante læsionem. (12) Cujus restitutionis beneficium jure Civili duntaxat quadriennio à die adeptæ majoren-

- 1) Lancel. 9. l. Inst. de Appel. 2) c. 14. eod. tit. & c. 5. 46. 61. de sent.
 3) c. 19. & 29. de Elect. 4) c. 2. de Appell. 5) c. 6. d. tit. 6) Clem. 3. de
 Appell. & Auth. Ei qui C. De tempor. Appell. 7) c. 7. §. 1. de Appell. in 6.
 8) c. 3. de Appell. 9) l. 1. ff. de Minor. 10) c. 1. De in integr. restit. in 6.
 11) l. 3. C. De jure Reip. 12) c. 1. De in integr. restit. in 6. l. 1. ff. eod.

jocennitatis vel respectivè cognita lationis peti potest, (1) Jure Canonico etiam post quadricennium ab Ecclesia vel Republica (saltem ex causa justa) peti & obtineri potest; (2) & quidem obtinendum est à Judice illius, contra quem petitur, (3) vel à supremo Principe, qualis in rebus Ecclesiasticis est Papa. (4)

XVIII.

AD extremum Partis per sententiam gravatae, & recentis remediis destituta, supersunt duo alia remedia. *Primum, Supplicatio* Principi porrigenda, ut sententiam contra supplicantem latam retraheret ex mera gratia & benignitate; (5) hodie potius imploratur *Revisio Actorum* nempe Actus, quo totius Processus acticata à superiore Judice eg. per Deputatos ab eo, revidentur, & si opus est, sententia reformatur. (6) *2dum, est querela nullitatis* Principi etiam offerenda, in qua ostendatur sententiam esse latam (à Judice subalterno) contra jus *Constitutionis*, nempe contra leges, statuta vel consuetudines loci, ac proinde nullam; cui querelæ ad Annos 30. locus est. (7)

Hinc

Deo ter Optimo Maximo,

sit Laus, Honor & Gloria.

Defendetur publice in Collegio CC. DD. Jure-Consultorum sub assistentia M. STANISLAI FICZKIEWICZ, U. J. Professoris, Ecclesiarum Collegiatarum S. Annæ Præpositi, OO. SS. Cancellarii, Notarii Apostolici; Objectis satisfaciente Excellente M. ANTONIO CAMELIN, Philosophiæ Doctore & Professore, Juris Canonici Auditore. Annò & die, ut supra.

1) l. fin. C. de temp. in integr. restit. 2) c. 11. De in integr. restit. 3) arg. c. 2. De for. compet. 4) Zoes. ad tit. De in integr. restit. 5) Lancel. §. fin. Inst. de in integr. restit. 6) Remig. ad d. t. 7) c. 1. de sent. & rejudic. l. 1. §. 2. ff. Quæ sent. sine appell.

Biblioteka Jagiellońska



stdr0026243

